

■ FORUM ELECTORAL – ELECZIUNS DAL CUSSEGL NAZIUNAL



Candidatas e candidats da la Giuventetgna socialista dal Grischun: da san. Fabian Camenisch, Flurina Bezzola, Deborah Weber, Pascal Pajic e Dominik Huber.

MAD

Midar quai che disturba nus

Preschentaziun da la Giuventetgna socialista dal Grischun

(cp) La Giuventetgna socialista dal Grischun candidescha cun in'atgna glista per il cussegl nazional. Bliers han dumandà pertge che nus faschain quai. La resposta è simpla: nus vulain midar quai che disturba nus!

La GS è la partida giuvna da la Partida socialdemocrata. Tuttina essan nus independents. Nus as engaschain per ina meglra Svizra en in auter mund. Giuvenils e giuvenils creschids – tuttina sche scolarA, luvrerA u studentA – èn activs en la GS, planiseschan campagnas ed acziuns, rimnan sut-tascripziuns, van a demonstrar e discutir.

Tgi che vul ina vusch da la giuventetgna elegia la GS. Nus essan la partida che vul cumbatter la senilisaziun da la politica e dal parlament, nus na vulain betg mo

ideas e perspectives giuvnas e frestgas, mabain era realisar questas. Certas tematicas n'èn per nus betg mo relevantas, mabain indispensablas. Nus ans engaschain per valurs simplas e fundamentalas che valan per tuts ils umans, tuttina tge vegliadetgna, da nua ch'els vegnan, tge educaziun ch'els han, tuttina tge orientaziun sexuala, tge colur da pel u religium, tuttina tge identitad da sex u sch'els èn ritgs u paupers. Per la GS èsi indispensabel da sa gidar cun umans che n'èn betg privilegiads. Quels umans che n'han betg la forza da cumbatter sezs per lur dretgs. Nus refusain in sistem economic che rabaglia a paucs ritgezass infinitas, ma devastescha la natira e dischoccupescha milliardas d'umans en paupradad. Nus cumbattain per ina societad nua che tut ils umans pon sviluppar lur talents e nua che l'uman è l'attenziun principala, betg il profit. Be cun ina politica integrativa ed averta po la Svizra render giustizia a la tradiziun

umanitara e la dignitad umana da mintgin e mintgina. Nus duain esser in exempel per ils stadis commembers da l'Uniun europeica. Cun exports d'armas, la speculaziun da nutriment e cun zuppentar ils stgagis da dictaturs promovava era la Svizra sia part a la fugia d'uschè bliers umans sin l'entir mund. Ina gronda part da la speculaziun cun nutriment vegn exequì da bancas svizras e las pli grondas interpresas da materias primas dal mund han lur domicil da la firma en Svizra. Il cumbat encunter il commerzi da fom sto perquai cumenzar qua. Nus essan persvadids che nus avain nominà tschingt fermas personalitads cun il curaschi per sli-giar quella sfidas e per ina politica alternativa. Quai munta da refusar consequentmain il populissem da dretg e la buglia da las autras partidas, quai munta da nunstancentaivlamain s'engaschar per ina societad gista, ina Svizra averta, ina natira sanadaivla ed in ferm Grischun.

